

Info

AVS
USS
USPS



Schulinspektorat
Inspecturat da scola
Ispettorato scolastico

per persunas d'instrucziun, mainascoulas e cussagls da scoula



Nr. 5 2022/23

Part generela

Barat linguistics - organisaziun simpla

Movetia, l'agentura naziunela per barat e mobilitad, ho schlargio sia plattafuorma 'match&move'. Sper il sustegn da persunas d'instrucziun vegnan spüertas nouv eir pussibilteds, idejas ed activiteds pel barat culla classa. Dal rest: Il chantun Grischun sustegna finanzielmaing activiteds da barat per la promoziun da las linguas chantunelas e naziunelas.

[Plattafuorma 'match&move'](#)



[Dumander contribuziuns barat linguistic](#)



Proceder d'admissiun per scoulas medias

Il proceder d'admissiun chantunel per las scoulas medias grischunas es gnieu examinò. Sün basa d'üna expertisa da prof. dr. Franz Eberle, anteriur professor per pedagogia gimnasiala da l'Universited da Turich, ho decis la regenza da mantgnair il proceder d'admissiun actual per müder in üna scoula media grischuna. La regenza ordinescha però imsüras chi sun da realiser per amegldrer l'egualited da las schanzas tar la preparaziun pels examens. Uschè survain la nota d'admissiun nouv dapü valor. Impü vegnan ils purteders da scoula oblios da preparar a las candidatas ed als candidats pels examens, gratuitamaing. Almain ün test da prova in mincha ram d'examen stu gnir fat. L'inspektorat da scoula infurmaregia a las / als mainascoulas in occasiun da las prosmas sezzüdas da quartal.

LernFilm Festival

Il LernFilm Festival es ün'iniziativa da furmaziun per classas

da scoula chi'd es gnida creeda aunz passa desch ans. Lo prodüan scolaras e scolars egens films didactics sur d'ün tema tschernieu sves. Ils films didactics inoltros vegnan premios d'üna giuria d'experts e preschantos ad ün vast publicum in occasiun da la consegna dal premi chi ho lö minch'an in collavuraziun cun SRF school. A partir d'utuon 2023 (ca. october) as po que darcho inoltres tels films didactics.

Independentamaing dal LernFilm Festival staun adüna a disposiziun tar school materialias serviziaivlas e gratuitas per persunas d'instrucziun, que tuot sülla pagina d'internet SRF. Que as tratta da riassunts adattos pel s-chelin, unities d'imprender e propostas da lavur.

[LernFilm Festival – inleger – declarer - filmer](#)



[SRF school](#)



Center didactic regiunel Sargans

La Scoul'ota da pedagogia da San Galla (SAPSG) maina traunter oter a Mels sper Sargans ün center didactic regiunel (CDR). Il chantun Grischun ho stipulo üna cunvegna culla SAPSG. Perque suos-chan persunas d'instrucziun e classas dal Grischun fer adöver gratuitamaing da tuot ils servezzans dal CDR. Ils servezzans cumpiglian l'adöver individuel da las sportas dal CDR tres las persunas d'instrucziun, la cussagliaziun da persunas d'instrucziun e da gruppas sül lö düraunt ils uraris d'avertüra, l'accumpagnamaint da classas da scoula tar l'adöver dals arrandschamaints d'imprender, l'introducziun da teams da scoula i'ls arrandschamaints d'imprender, l'impraist da chaistas d'imprender scu eir la partecipaziun da persunas d'instrucziun a cuors da furmaziun supplementera.

Üna visita vela in mincha cas la paina!

[Ulteriuras infurmaziuns](#)





WebApp davart la biodiversited

Il tema da la biodiversited spordscha a las scoulas ün grand potenziel, na be per discuorrer davart insistenza, d'impersè eir per contribuir qualchosa a la promoziun da quella. La WebApp 'BioDivSchool' es gnida s-chaffida da la Scoul'ota da pedagogia da San Galla in collavuraziun cun Globe e güda ad eruir il stedi da la biodiversited da l'egen areal da scoula ed a definir imsüras da promoziun sün basa dal resultat.

Ulteriuras infurmaziuns



Exposiziun 'Nus ed ils oters'

L'exposiziun 'Nus ed ils oters. Dal pregüdizi al rassissem preschainta sün 17 tevas savair davart il rassissem, davart sieu origen e sia funcziun. Ella resguarda taunt l'epoca da la sclavitüd in America dal Nord, la partecipaziun economica ed intellectuela da la Svizra al colonialissem, ils 600 iffaunts jennics chi sun gnies piglios davent da lur genituors traunter il 1926 e'l 1972, scu eir il muviment da Black Lives Mater. Que as po scuvrir respostas sün dumandas scu 'Gninsa propcha tuots da l'Africa?' e 'Perche haun umauns differentas culuors da pel?' Impü vain musso cha mecanissem da rassissem existan eir hozindi - pelpü bod na visibelmaing - in nossa societad ed in nossas instituziuns e chaschunan tratamaint ingüst da minoriteds. L'exposiziun vain preschantada in differents lös dal Grischn fin la fin dal 2024. Scoulas dal s-chelin ot haun la pussibiltad da reserver l'exposiziun gratuitamaing.

Infurmaziuns e materialias pedagogicas



IPPI, introducziun illa professiun per PI

Daspö divers ans vegnan sustgnidas persunas d'instrucziun in Grischn tar lur entreda illa professiun cul program da sustegn IPPI süls trais secturs: scoula, district e chantun. Las sportas as drizzan a principiantas e principiants in lur prüm an da servezzan, a persunas chi tuornan illa vita professiunela zieva ün'absenza d'almain tschinch ans ed a persunas d'instrucziun sainza la qualificaziun specifica pel s-chelin i'l prüm an da servezzan. Düraunt l'an da scoula curraint haun piglio part totelmaing 117 persunas d'instrucziun al program da sustegn IPPI. La sporta vain evaluada minch'an e valüteda d'üna granda part dals partecipants scu bun sustegn. Las occurrenzas da partenza pel program IPPI 2023/24 haun lö i'ls differents districts inspectorals düraunt l'ultim'eivna da las vacanzas da sted, vair suot 'Termins'.

Introducziun illa professiun per PI (IPPI)



Not a joke – nu tolerer mobbing!

"Que d'eira be ün skerz!" - "Nun inclegiast üngün spass?" Quistas ed otras güstificaziuns per mobbing haun udieu già divers iffaunts e giuvenils. Però: Mobbing nun es üngün spass, mobar a qualchün nun es üngün stinca e mê da rir. Quist es il messagi centrel da la campagna cha la plattafuorma naziunela 'Giuvenils e medias' ho lantscho ils 9 meg 2023 in collavuraziun cun Pro Juventute e la 'Prevenziun Svizra da la Criminalited' i'l ram dal forum 'Giuventüna e medias' a Berna.

Cordiels salüds

Chantal Marti-Müller
mnedra USS

Andrea Caviezel
Mneder inspectorat da scoula

Part regiunela

Termins

Data	Occurrenza	Adressos
30/31-05-2023	Examen da recuors	6. cl./1 R
07-06-2023	Barat regiunel a Zernez evaluaziun ERC (primara)	PI ERC prim. Tuots MS
13-06-2023	Occurrenza d'infurmaziun a Zernez Attenziun: ANNULLÀ	Tuots CS/MS
15-06-2023	Occurrenza d'infurmaziun a Samedan Attenziun: ANNULLÀ	Tuots CS/MS
11-08-2023	Occurrenza da partenza IPPI	Seguond in- vid

Cordiels salüds

Inspectorat districtuel Engiadina-Val Müstair-Samignun
Bettina Salutt, Urs Kühne, Curdin Lansel

